



UTETHIO BUMITE IGURU

RIANDIKI NI
WATSON GOODMAN

GAUKU KAA TIGAKWENDUA

UTETHIO BUMITE IGURU

“UTETHIO BUMITE IGURU” ni kuthuranua kwa icunci bia maandiko na njira ya mathomo kuma icuncine mwanya mwanya bia Iuku ria Murungu. Uuni imbitikitie woni buria buri buu bwega bwa maandiko ni Iuku ria Murungu riongwa.

Ruteto rwa Murungu “rumaga Iguru” na ruri na bata muno kiri nkoro iria iri na mpara na ikanyontera wagiru. Igita riria muntu erira, na agatigana na meeyia, na ageta Jesu Kristo ature nkorone yawe, na agetikia na nkoro yawe yonthe ati Mwathani Jesu Kristo ni Mwonokia, Mwathani agacimenyithanagia kiri muntu uu na ae-jane kugwirua kwawe wengwa na thiiri kiri nkoro ya mwitikia uu. Untu buu ndabwonere mwaka jwa 1937, na ntathukia ngwatani-ro iiji ya kurigaria na Mwathani kuuma igita riu. Ni ngukuringiriria winenkanire kiri we atuike Mwonokia na Mwathani waku onandi, ukethira utithithitie uu kairi.

— Watson Goodman

WENDANI BWA MURUNGU

1

Aroma 5:8

Indi-ri, untu buria bwonanagia ati Murungu natwendete ni bu-bu, ni ati riria twari eeyia Kristo naakuire ni untu bwetu.

Johana 13:1

Na-ri, kiatho kia Pasaka gitira-kinya, Jesu amenya ati igiita riawe irikinyi riria akauma nthiguru iji eete kiri Ithe, na tontu neendete antu bawe wengwa baria baari nthiguru, arabeenda mwanka muthiro jwa wendani.

Kugwurirwa 1:5

Na kiri Jesu Kristo, na niwe mukuuji wa gwitikika, nawe niwe rikithathi ria kuuma kiri akuu,

nawe niwe mwathi wa anene ba nthiguru. Atiri, kiri We uria utwendete, na watuthaurire na tharike yawe turauma meeyiene jetu.

Tontu bwa uria Murungu eendere kirindi kia nthiguru, naaritire Mutanowe-wa-mumwe, ni-kenda muntu kinya uriku uria ukamwitikia atikeeje kuura, indi eeje agite mwoyo jwa kenya na kenya. — Johana 3:16

Mwathani naacionanirie kirini o karaja, arambira, Ninkwendete gwe na wendani buria bukarituu-ra mwanka kenya; niu ni untu buu butumite ngukucia na kiao giakwa. — Jeremia 31:3

1 Timotheo 3:16

Ningi-ri, mantu ja kiriga kiria muntu athingataga nakio Murungu, ni mma ni gikinene; we oonanirue ari na mwiri, We oonanirue ari na mwiri, Na aroombana ndene ya Kirundu, Na kinya akionagwa ni araika, Ningi nkuma yawe ireeranwa kiri antu ba migongo, Na areetikua ni antu ba nthiguru, Na ningi arajukua araikua mwagone.

Johana 14:9, 10

Jesu aramwira atiri, Anga twire nabwi igiita ring'ana uu, nagwe Filipu utirambiji; muntu uria umbonete ni noonete Baaba; niki

untu wambira, Twonie Baaba? Gotigwitikia ati ndi ndene ya Baaba, na Baaba ari ndene yakwa? Nteto iria mbwiraga ntiugaga untu bwakwa ningwa; ni Baaba uthithagia ngugi ciawe atwire ndene yakwa.

Johana 1:1 na 14

O mbere kiambiririene Ruteto irwari o, na Ruteto rwari kiri Murungu, na Ruteto rwari Murungu... Ruteto ruraa muntu, aratuuranira natwi, oojuritwe ni utugi o na mma; (natwi turacionera mwago jwawe, mwago jukari ta mwago jwa Mwana-wamumwe aumite kiri Baaba.)

JESU, MUTANA WA MURUNGU

3

1 Johana 4:15

O muntu kinya uriku uria ukaumbura ati Jesu niwe Mutana wa Murungu, Murungu agatuura ndene yawe, nawe agakaraga ndene ya Murungu.

Akolosai 2:9

Tontu ndene ya Kristo niku muujuri jwa Umurungu jutuura ki-umwiri.

Isaya 9:6

Ni untu-ri, twi nituciariri mwana, twaewa mwana wa kaiji; nabu wathani bugakara gituro kiawe; na riiwa riawe ageetwa Murigarania Mugambi, Mweneinya

Murungu, Baaba wa kenya na kenya, Munene wa thiiri.

Luka 1:35

Muraika aramucokeria aramwira atiri, Kirundu Umutheru akeeja kirigwe, na inya ya Uria Uri Iguru mono igagukinyira; nari, ni untu buu, kiria ugaciara gi-geetwa gikitheru, ningi Mutana wa Murungu.

Mathayo 17:5

Na riria aaragia-ri, itu riria rietie rireeja rirabathiika; na atiri, kaju karauma itune, karauga, Uju niwe Mutanokwa uria ngwiragua mono niwe: mwitikagireni.

Johana 9:5

Igiita riria ndi nthiguru ndi weru bwa nthiguru.

Johana 8:23

Nawe arabeera, Bwi buri ba nthiguru; ni ndi wa iguru; bwi buri ba nthiguru iji, ni nti wa nthiguru iji.

Johana 13:13

Bumbitaga Muritani, na bumbitaga Mwathani; na ni bwega buugaga, tontu nini we.

Johana 6:35

Na Jesu arabeera atiri, Nini mugate jwa mwoyo; muntu uria wijaga kirini atikaigua mpara; na

muntu uria umbitikagia ni, atikai-gua nyonta kinya ri.

Johana 11:25

Na Jesu aramwira atiri, Nini kuriuka na nini mwoyo; uria ukambitikia ni, kinya akua agatuura mwoyo.

Johana 8:58

Jesu arabeera atiri, Ni mma ni mma gankubwira atiri, Mbere Iburahim aticiari no ndatwire o.

Johana 10:7

Tontu buu Jesu aracoka arabeera atiri, Ni mma ni mma gankubwira atiri, Ni ndi mpingiro ya ng'onde.

Mathayo 14:19-21

Areera ntundu ikare nthi nyakine; arajukia migate iu itano na makuyu jo-jairi, araciukia metho Iguru, aramitharima, araming'enyuranga, aranenkera aritwa migate, aritwa nabo baraikiria ntundu. Na bonthe bararia baranyira; na baroothurania matigi ja tung'enyua ikabu ikumi na biiri biujuri. Na baria baariire baari ta arume ngiri ithano, tiga aka na twana.

Luka 5:4-6

Na aatiga kwaria, areera Simon atiri, Riitaitithie aria oorokerete, bwinike ngara cienu bugwatie

makuyu. Simon nawe aracokia aramwira atiri, Mwathani, utuku bunthe turitite ngugi mono, na tutigwatie no mbi, indi-ri, ni untu bwa ruteto rwaku nkeenika ngara. Baathithia uu, baragwatia makuyu jamaingi; na ngara ireenda gutambuka.

Mathayo 20:30 na 34

Na atiri, atumumu bairi nibaatugvani ruteere rwa njira, ndiiria baigua ati Jesu nakurukite baraikaira, bakiugaga, Mwathani twigiirue kiao, itu mutana wa Daudi . . . Jesu nawe araigua kiao, araringithia metho jao; na o ndiu baracoka kwona, baramuthingata.

6 JESU KRISTO NIWE MUUMBI NA MWATHANI

Akolosai 1:16

Into bionthe nabio bioombirwe ndene yawe, biria biri Igu-ru, na kinya biria biri nthiguru, na biria bionagwa, na biria bitionekaga: biethirwa ni nduriga cia unene, kana mantu ja kwathana, kana monene, kana inya, into bionthe ni kuumbwa bioombirwe ndene yawe, nabio bikaraga o ni untu bwawe.

Murungu . . . matuku jaja nandi ja nyuma atwaragiria mantu na kanyua ka Mutanowe, Uria aethetic mwene rugai rwa into bionthe, na into bionthe biria oombire aabiumbire na inya ya Uu. — Ahibirania 1:2

Aroma 14:9

Tontu untu buu nibu bwatumire Kristo akue, na aracoka kuriuka nikenda aee Mwathani wa baria bakua na wa baria bari mwoyo.

Johana 1:3

Into bionthe biombirwe niwe; na o gintu kionthe kiria kiumbi gutikio kiombirwe kinya kimwe, We ati o.

Mathithio 2:36

Ni untu buu ruriijo runthe rwa Israeli nirumenye bwega, rutigakare na nkanja, ati Murungu aethetic Jesu uju, we uria bwi bwambithirie mutine iguru, aee Mwathani o na Kristo.

JESU KRISTO NIWE MUGAMBI WA BIONTHE 7

Aroma 14:10

Indi-ri, gwe niki tontu ugambithagia mutana wa Abagu? Kanari, gwe nimbi itumaga umena mutana-wa-Abagu? Ni untu twi twinthe no kinya tukororongama mbere ya ruriga rwa Murungu ruria rugambagirwa.

Mathayo 25:32

Na migongo yonthe ikoothurana mbere yawe; nawe akaathurana bamwe na bangi, o ta uria muriithi aathuranaga ng'ondu na mburi.

Aroma 2:16

Mantu jau jakoonewa ntukuria Murungu agatua igamba na niire ya Jesu Kristo untu...

bwa mantu jaria ja witho jari nkorone cia antu, o ta uria nku-ma iji njega nkubwira yonana-gia.

2 Timotheo 4:1

Ndigukinyiiria mono mma atiri, Murungu ari o, na Kristo Jesu nawe ari o, We uria ukagambithia antu baria bari mwoyo na kinya baria bakuite, na untu bwa uria akagwurwa oonewe, na ningi uria agatuura kwathana.

Mathithio 10:42

Nawe naatwathire ati twi tutu-magiirie antu nteto iu, na tukuu-jagiire ati We niwe weethetue ni Murungu Mwathurani wa baria

8

GUKUURWA NI KIRI KRISTO WENKA

Ahibirania 5:9

Na riria aathiririe kwethua umuujuru nirio aere mwambia wa wonokio bwa kenya na kenya kiri baria bamwathikagira.

Ahibirania 7:25

Tontu bwa mantu jau, oomba kwonokia antu mma baria bathe-ngagiiria Murungu bakurukiirite kiri We, ni uria We atuuraga mwoyo ntuku cionthe akibarombagira.

Mathithio 4:12

Na wonokio butionora kiri ungi kinya uriku; ni untu ri, guti

nthi, riria riecei antu, riria riagirite ria gutwonokia.

Johana 10:9

Ni ndi mpingiro, muntu akurukiira aria ndi akoonokua; na akurukage akiumaga, na oonage irio bia kuria.

Johana 14:6

Jesu aramwira atiri, Nini njira, na nini umma bungwa, nani ndi mwoyo; guti muntu wijikia kiri Baaba atijiirite kirini.

Johana 8:24

Nikio gitumite mbwira bugakuirira meeyiene jenu; tontu bwarega gwitikia ati nini we bugakui-

GUKUURWA NI KIRI KRISTO WENKA

9

Na bukaathage Baaba wetu uria utuumbithitie twethirwa turi eene rugai ruu rwa baria atheru wathanine buu bwa weru. Nawe nowe watutunyukirie turauma inyene ya mugundu, aratuma twita gukinya unenene bwa Mutanowe uria eendete mono; nawe aratukuura, aratuma meeyia jetu jeebua. — Akolosai 1:12-14

Nikwithirwa Mutana-wa-muntu eejire gucwa na kwonokia antu baria baurite — Luka 19:10

Kugwurirwa 5:9

Igita riu baraina rwimbo rurweru bakiugaga atiri, Gwe nigwe wagirite kujukia iuku na ku-

rabura tutanta twa irenda; tontu nigwe wathinjirwe, uragurira Murungu na tharike yaku antu ba miiriga yonthe, na migambo yonthe, na ba mithemba yonthe na migongo yonthe.

1 Akorintho 1:30

Indi bwi buumite kiri We ndene ya Kristo Jesu, tontu niwe uthithitue aee uume buria buumite kwa Murungu, na wagiru na utheru, na ukuuri.

Tito 2:14

We uria wairekereerie ni untu bwetu, kenda atukuura umaramarine bunthe, na atutherie twee antu bawe mma, tukarage na wiru bwa kuthithia mantu ionthe

10 KWOROERUA NA THARIKE YA KRISTO

Aroma 5:9

Na nandi nkuruki mono, niuntu bwa uria tutaritwe ati turi babaagiru ndene ya tharike yawe, nou tukoonokua kiri muthuuro jwa Murungu ndene yawe.

Aefeso 1:7

Na-ri, ni ndene yawe tukuuritwe ni tharike yawe, na ningi twarekerwa irema rietu, ni untu bwa uria utugi bwawe bwingiite.

Indi tukeethirwa twitaga na weru, o ta uria We ari weru, turi na ngwataniro twingwa o muntu na ungi, na tharike ya Jesu Mutanowe nithambagia wiyia bwetu
— 1 Iohana 1:7

Nikwithirwa ibwiji ati kiria kiabukuurire bugitigana na mantu ja ruugo, jaria bwathithagia riria bwaritani ni bojugu, ti gantu katuukaga ta mbia, kana thaabu, indi ni tharike ya goro mono ya Kang'ondu karia gati igi, kana no gatumba, tayo tharike ya Kristo. — 1 Petero 1:18, 19

Ahibirania 9:14

Anga tharike ya Kristo, uria waciejanire kiri Murungu atina antu aathuuku ni untu bwa Kirundu Uria utuuraga kenya na kenya, itikurukithia mono kutheria ngoro cienu ndene, butiganage na ngugi iria iti gitumi, bwathikagire Murungu Uria uri mwoyo?

WONOKIO NA UNTU BWA WITIKIO NDENE 11 YA KRISTO

Aroma 5:1

Tontu twi, nitutaritwe turi baagiru ni untu bwa witikio, turi na kwiganua na Murungu ni untu bwa Jesu Kristo.

1 Johana 5:4

Tontu o gintu kiria giciari kiumite kwa Murungu nikiumbaga nthiguru; na inya iria twi tuumbaga nayo nthiguru ni witikio bwe-tu.

Aefeso 2:8, 9

Nikwithirwa-ri, bwonoketue na utugi ni untu bwa gwitikia, na-ri, untu huu ti hweni hwinowa indi

ni kiewa kia Murungu; nakio kiewa kiu gitionoraga ni untu bwa mathithio kinya jariku, nikenda muntu kinya uriku atikeeje gwikumia.

Indi bibi biandikitwe nikenda bwitikia ati Jesu niwe Kristo, Mutana wa Murungu; na tontu bwa gwitikia bugite mwoyo ndene ya riitwa riawe. — Johana 20:31

Johana 6:28, 29

Nabo baramuuria atiri, Tuthi-thagie atia nikenda turitaga ngu-gi cia Murungu? Jesu aracokia arabeera, Ngugi ya Murungu ni-ri ni bwitikia...

Zaburi 108:4

Nikwithirwa kiao giaku ni gikiingi, na gikinyite o mbere ya Iguru, Na mantu jaku ja mma jakinya o matune.

Nikwithirwa o ta uria Iguru riukiirite kiri nthi. No u kiao kiawe kiri gikiingi kiri baria bamukiraga. — Zaburi 103:11

Indi-ri, kiao kia Mwathani igituuraga kiri baria bamukiraga kuuma kenya mwanka kenya, Na wagiru bwawe buthingatanaga na aana ba aana. — Zaburi 103:17

Mika 7:18

Nuu Murungu ung'uanene nagwe, uria urekagira uthuuku, Na

tigari ja rugai rwaku? We atigatuuria muthuuro jwawe igita rionthe Ni untu bwa uria agwiragua ni mantu ja kiao.

Kiro 3:22, 23

Utugi bwa Mwathani butithiraga, na kiao kiawe gitithiraga; O ruukiiri o ruukiiri kiao giaku kithagirwa kiri gikieru; gwitikua gwaku naku ni gukunene.

Naatwonokerie, ti untu bwa mantu jaria twathithagia twingwa ja wagiru, indi mono ni untu bwa kiao kiawe, na untu bwa kuthambua kuria gutumaga muntu aciarwe kairi, na untu bwa kuthongomua kairi ni Kirundu Umutharu — Tito 3:5

MURUNGU NATWITAGA TWIJE KIRI WE

13

Mathayo 11:28

Njuuni kirini, bwi bwinthe baria buritaga ngugi na guukiiria mirigo imirito, nani nkabunogokia.

Kugwurirwa 22:17

Kirundu nawe o na muiki baurauga, Nju! Na uria ukwigua nawe nauge, Nju! Na uria unyonti nawe neeje, o uria ukwenda, neeje ajukie ruuji rwa mwoyo na magi.

Johana 7:37

Na-ri, ntuku ya muthia, naju niju muthenya juria munene jwa kiatho kiu. Jesu naarungamire

aratumiiria arauga atiri, Muntu aigua nyonta eeje kirini anyue.

Isaya 55:1

Ibwi, o muntu uria uri na nyonta, njuuni ruujine; na kinya uria uti na mbia cia kugura, njuuni bugure na burie! Ii njuuni bugure ndivei ona iria, guti mbia ikugura, na guti uguri.

Isaya 1:18

Atiri njuune twirebe, niu Mwanthani auga: na kinya meeyia jenu jakeethirwa jari mwakanu, jakaa jameru o ta nkamia; na jakeethirwa jari jamatune gitarike iakeero o ta namba

14 ANTU BONTHE TI AANA BA MURUNGU

1 Johana 3:10

Untune buria butumaga aana-ba-Murungu bamenyewa o na kinya aana-ba-nkoma ni bubu: ati o muntu uria utithithagia untu buria bwagirite, atiithagirwa aumite kwa Murungu; kana uria utiendaga mutanethe.

Tontu antu bonthe baria batongagiirua ni Kirundu wa Murungu, bau nibo aana ba Murungu. Ni untu butaerwe kirundu wa ukombo bucoka gukiraga, indi nkuruki bwaerwe kirundu wa gutuma bumenye ati buri aana, aana ba mwene; tontu buu tutumagiirieni, tukauga atiri, Abba Baa-

Nikenda bukaa antu batiigi na batigitaga bubui, ningi bwee ana-ba-Murungu baria bati kothuuku nandi iji butuuranitie na ruciara ruru ruremi na rutiagirite, riria buri amwe nabo karageni kiribo buri ta maweru jaria jamurikagira nthiguru. — Afilipi 2:15

2 Akorintho 6:17, 18

Tontu Umagareni gatigati kao, buciathurane nabo, uu niu Mwathani auga, Na ningi bugatongeni gantu gakathuuku; Nani nkabwitikira, Ningi nkaa Abagu wenu Nabwi bukaa atana bakwa na aari bakwa, uu niu Mwathani Mwe-

URIA MURUNGU AUGITE KIRI NCOBI 15

Isaya 5:11

Wui kiri antu baria barookaga guukiira ruukiiri kaina, beetite kuthingatana na mbogita, baria batindikanaga nayo o uu mwanka riria ndivei igaakana mwanki ndene ya biu biao!

Agalatia 5:19-21

Atiri, mantu jaria miiri yenu yendaga jathithua nijaijiwe mono, najo ni jaja: ni uthungiiri, na weni, na wiririiria bwa uthungiiri, na kurombaga ming'uanano, na mantu ja marogi, ona gutuma uthu, na kuthanganaga, na rurii-tho, na maruru, na kuringanagira nkania. na mantu ia kwathuka-

naga, na moritani ja urongo, na kwiririiria, na kwogita, na kwina naga ndwimbo iria itiagirite, ona mantu jangi jaria jakari ta jau. Atiri, untu bwa mantu jau ndibwira na mma, o ta uria ndabwirire igita ria mbere, ati antu baria bathithagia mantu jau batikoroo-na rugai unenene bwa Murungu.

Njuno 23:31, 32

Ukaraithiiria ndivei riria iri intune, riria rangi yayo igukenyakenya rugojine, riria ikunyoroka bwega igikobotua. Muthia jwayo nijurumanaga ta njoka, na jukarathana ta kinna

Mathayo 22:37, 38

Na Jesu aramwira, Endaga Mwathani Murungu waku na nkoro yaku yonthe, na kirundu giaku kionthe, na mathuganio jaku jonthe. Riri nirio yathana riria riri riinene na ria mbere.

Mariko 10:17-22

... Muritani umwega, mbagiri nthithia atia nikenda nkoona rugai rwa mwoyo jwa kenya-nakenya? Jesu aramucokeria atiri, Niki untu ukumbita umwega? Gutiwe uri umwega tiga umwe wenka, nawe ni Murungu. Nukumenya maathana: Ukooragana, Ukathungiira, Ukaiya, Ugatwirira ukuii hwa urongo. Ukaanii-

ria, Ikagiira abagu na nyakwe. Nawe aramwira, Muritani, mantu jau jonthe indamenyagiira kuuma withi bwakwa. Jesu aramuraithiria aramwenda, aramwira atiri, Kuri untu bumwe wagite: ita wendie biria uri nabio, unenkere nkia, nagwe ukoona muriikana Iguru; nyuma wije unthingate. Indi uthiu bwawe burakunjara tontu bwa nteto iu, nawe areeta na kwithikiira, untu aari na motonga jamaingi.

Njuno 16:25

Kuri njira yonekaga ni muntu teka iri injega, indi muthia jwa-vo ni niira cia gikuu.

Aefeso 5:6

Menyeni bwija kwaua ni muntu kinya uriku na mantu ja uthe-ri, tontu mantu ta jau niyo jatuma magamuthuuro jwa Murungu jwijiira ruciara ruria ruremu.

1 Akorintho 6:9, 10

Kana kabutiiji baria batiagirite batikoona rugai unenene bwa Murungu? Imenyeereni butikee-je kwairua: amaramari kana baria barombaga ming'uanano, kana athungiiri ba arume kana ba aka, antu ba mithuuro, kana aamba, kana aiririiria, kana oogiti, kana arumani, kana atunyani, batiga-

Jakubu 1:22

Indi eejageni antu baria bathithagia ruteto, ti bwejage ba kwigua aki bugiciairagia bwingwa.

1 Johana 3:7, 8a

Aana bakwa baanini, bukarekeni muntu kinya uriku abwaa-tithia njira: uria uthithagia jaria jaagirite niwe wagirite, o ta uria We aagirite; uria uthithagia wiyia aumite gwa nkoma; tontu nkoma niwe uthithagia meeyia kuuma o kiambiriiria

Agalatia 6:3

Nikwithirwa muntu kinya uriku uria uciiraga ati ni muntu umung'anu, ningi tiu akari, mu-

Aroma 5:12

Tontu buu mantu jakari atiri, untu bwa uria meeyia jaatonyere nthi yonthe ni untu bwa muntu umwe, na gikuu kireeja na njira iu ya meeyia, na gikuu kiu kira-tungana antu bonthe ni untu bwa uria bonthe baari eeyia.

Jakubu 1:15

Na kwiririiria kuu, riria kwagia iu, gugaciara wiyia; na wiyia bwang'ana bugaciara gikuu.

Aroma 8:6

Tontu-ri, kuthugania mantu ja mwiri ni gikuu kuretage; indi kuthuganagia mantu ja Kirundu ni

O nkoro ya muntu iria yagia niyo igakua: guti mwana ugakamata umaramari bwa ithe, kana ithe wa muntu akamata umaramari bwa mwanowe; untu bwa wagiru bugakara iguru ria muntu uria wagirite, na uthuuku bugakara iguru ria muntu uria uthuukagia. — Ezeieli 18:20

Indi-ri, nikwagirite turuga kitho, na tugwirua; nikwithirwa mutana-wa-abagu uju karakuite na nandi akuriuka, karaurite na nandi akwonora. — Luka 15:32

Njuno 11:19

Uria urikitie mantu ja wagiru agakinyira mwoyo, indi uria uthi-

Luka 7:14, 15a

Arathengeera akui, araringithia ururi, na akamati babu bararungama kii. Arauga atiri, Muthaka, ndikwira atiri, Ukiira. Na-ri, muntu uria wakuite arookiira, arakara nthi, arambiriria kwaria. . . .

Johana 11:43, 44

Aathiria kuuga uu aratumiiria na kaju gakanene arauga, Lazaro, uma. Na uria wakuite arauma, atheeki maguru na njara na itambaa biria biogaga muntu umukuu; na uthiu bukuniki na nanga. Jesu arabeera, Mwogoreni bureke eete.

Johana 10:17, 18

Nikio gitumite Baaba ampe-nda, ni untu nindekeeretie mwoyo jwakwa nikenda ngacoka kujujukia kairi. Gutu muntu untu-nyikia ju; nini nkajurekeeria ningwa. Ndi na watho bwa kujurekeeria, na ningi ndi na watho bwa kwija kujujukia kairi. Niu ndaathirwe ni Baaba.

Kugwurirwa 1:18

Nini uria utuuraga mwoyo; na nini ndakuite, na atiri, nini uju ntwire mwoyo kenya na kenya; na mbunguro ndi nacio cia kurugura gikuu na Nkomene.

Kuriikanithia Maathana 5:7-21

Ukagita na mirungu ingi kwa-
tha ni. Ukaithithiria mung'uana-
no jwa kujiyia, mung'uanano jwa
gintu kinya kiriku kia biria biri
iguru, kana kia biria biri guku
nthi, kana ndene ya ruuji ruria
ruri nthiguru; ukabituriria maru
kana ubiathikira...

Ukorogweta riiwa ria Mwa-
thani Murungu waku utheri na
ruugo; tontu Mwathani atikauga
muntu ati na meeyia uria ugwe-
taga riiwa riawe na ruugo.

Riikanaga ntuku ya sabatu
umitujage intheru, o ta uria Mwa-
thani Murungu waku akwathite.

Ritaga ngugi mithenya itantatu
uthithie mantu jaku jonthe; indi
muthenya jwa mugwanja ni sa-
batu kiri Mwathani Murungu
waku...

Ikagiira abagu na nyakwe, o
ta uria Mwathani Murungu waku
akwathite uthithagie...

Ukororagana.

Ukorothungiira.

Ukoroia.

Kana wija kuritwiriira mutu-
rioku ukuuji bwa urongo.

Ukoroiririiria muka wa mutu-
ri waku; kana wija kwiririiria
nyomba ya mutuuri waku, kana
muunda jwawe, kana muriti wa-
we wa ngugi ntomurume kana

muka, kana ng'ombe ciawe, kana ntigiri ciawe, kana gantu ki-

nya kariku karia mutuuri waku ari nako.

UTIUMBA GWICIITHA MURUNGU

21

Ayubu 34:21, 22

Nikwithirwa akaraga araitiiritie miitire ya antu, akoona jonthe jaria athithagia. Guti mugundu kana kirundu gia gikuu aria antu baria beagia boomba gwi-ciitha.

Zaburi 139:8 na 12

Ndaitia matune, Gwe ni ku uri; Ndaara ururi bwakwa nkomene, Gwe no ku uri Kinya mugundu kirigwe ti mugundu, Na utuku bwaaraga o ta muthenya; Kirigwe, mugundu na weru ibing'uanene.

Jeremia 23:24

Anga kuri muntu kinya uriku uumba gwicitha antu aria a witho ntimwone ni? niu Mwathani akuuga. Anga tini mbujurite iguru na nthi? niu Mwathani akuuga.

Njuno 15:3

Metho ja Mwathani jari o guntu kunthe, jaraithiritie umuui ona umwega.

Luka 8:17

Nikwithirwa guti untu bwithi butikoroithurwa; kana witho butikamenyewa bwonwa kunuu.

22 KWERITHUA GWA KENYA NA KENYA KWA BARIA BAREGETE

Mathayo 13:41, 42

Mutana - wa - muntu agatuma araika bawe, nabo bakoothurania into bionthe biria bigiitaragia antu biume unenene bwawe, o na antu baria bathithagia mothuuku, babagere rumurine rwa mwanki: kuu niku gugakara na kurira na kuria maigo.

Mathayo 18:8

Na njara yaku kana kuguru gwaku gwatuma ugiitara, kugiite, ugute kuume kirigwe: nikwithirwa bwakwagira ugikuruka mwoyone uri kionje kana kithua, nku-

ruki ya kwija kugerwa mwankine juria jutikorooreka uri na njara cio-ijiri kana maguru jo-jairi.

2 Petero 3:7

Indi-ri, Iguru riria riri o nandi, na nthi, nibiekiirwe mwanki, na tontu bwa ruteto ruu birakara bieteereete igamba, o na ntuku ya kuthirua kwa antu baria bai.

Antu bau nabo bageeta guntu kuria antu bathangikagua bagikaanukua kenya na kenya; na antu baria aagiru nabo bageeta guntu kuria kuri mwoyo jwa kenya na kenya. — Mathayo 25:46

Ni untu bwa uria atwite kitho gia ntuku iria akagambira antu na mugwi, baria batwire guntu kunthe, untu bwa muntu Uria aathuurire abagambithie; ningi aroonia antu bonthe untu bwa kubamenyithia ati mantu jau ni ja mma, nabu nibu kumuriukia kuria aamuriukirie amurita kiri akuu. — Mathithio 17:31

2 Petero 2:9

Nandi wona ati niu mantu jakari uu-ri, Mwathani naiji kwonokia antu bawe baria aagiru magerione, na agatuma antu baria bai bakarua beeteerete ntuku ya igamba riria igakinya.

Ahibirania 9:27

O ta uria kwathanitwe ati antu bakujaga gikuu kimwe, na nyuma yakio bakagambithua.

2 Akorintho 5:10

Tontu-ri, twinthe no kinya tukarungikwa mbere ya ruriga rwa Kristo rwa magamba twonanue uria tukari; nikenda o muntu o muntu akaewa itui riawe riria rimwagirite kwewa ni untu bwa mantu jaria aathithia na mwiri jwawe, jeethirwa jari jamega kana jari jamai.

Ni untu buu, twi twinthe o muntu o muntu, no kinya tukorojana mantu jetu uria jakari mbere ya Murungu. — Aroma 14:12

Aroma 5:15

Indi-ri, kiewa kia Murungu kiria kiejanagwa na magi, gitikari ta uremi buu. Ni untu-ri, gukeethirwa antu babaingi baakuire ni untu bwa uremi bwa muntu umwe-ri, utugi bwa Murungu na kiewa kia magi bikaingea mono kiri babaingi utugine bwa muntu umwe, tawe Jesu Kristo.

Na-ri, untu buu butionoraga na untu bwa uria muntu eendaga, kana bwa uria eekagira wiru mii-tirene yawe, indi bwonoraga ni untu bwa Murungu, uria aigana-giirua kiao. — Aroma 9:16

Mathithio 4:33

Na atumwa nibakuujagiira nkuma ya kuriukua kwa Mwathani Jesu, bakiaragia na inya mono; na utugi bubwingi bwa Murungu bwari iguru ria bonthe.

Murungu nawe arokaathagwa ni untu bwa kiewa kiawe kiria aaejanire, kiria gitimenya kwirania bwakio. — 2 Akorintho 9:15

Tontu ibwiji untu bwa utugi buria Mwathani wetu Jesu Kristo aari nabu, nabu ni ati kinya kethira aari gitonga, naacokere araa nkia ni untu bwenu, nikenda bwi bukaa itonga ni untu bwa ukia bwawe. — 2 Akorintho 8:9

Luka 13:3

Neka nkubwira atiri, Ari; indi bwi nonga bukairira, bukaura bwinthe o tabo.

Mathayo 3:2

Akiugaga atiri, Iireni, tontu unene bwa Iguru ibuthengeerete.

Mathithio 17:30

Indi-ri, igiita riria bataiji mantu jau, Murungu atatindanagira na mantu jaja; indi nandi aathana-ga na mma ati antu bonthe ba guntu kunthe bairire meeyia jao.

2 Akorintho 7:10

Tontu kwithikiira kuria kuumaga kiri Murungu niku kureta-ge untu bwa kwirira buria guti-

we ucokekia kwithaa ni untu bwabu, na niku gutumaga muntu oonoke; indi-ri, kwithikiira kuria kuumaga mantune ja nthiguru iji niku kuretanagiira gikuu.

Mathithio 3:19

Ni untu bwa jau ireni, bugaruke nikenda meeyia jenu jaangurwa, na magiita ja kuuruka jeeje jaumite kwa Mwathani.

Mathithio 2:38

Na Petero arabeera atiri, Iireni bubatithue riitwene ria Jesu Kristo o umwe o umwe, nikenda bwona kurekerwa kwa meeyia jenu, nabwi bukaewa kiewa gia Kirundu Umutheru.

Mathayo 6:14

Ni untu bukeethirwa bwi iburekagira antu bangi irema riao, nou kinya Abagu wenu wa Iguru akaburekagira kinya bwi.

Ezekieli 18:21

Indi muntu uria mui akeeja gutiga ui bwawe buria aathithia bunthe, akagwatana na mawatho jakwa, na akathithagia mantu jaria jabwirite na jaagirite: ni mma uu agatuura mwoyo, atikua.

Muntu uria mui natigane na miitire yawe, na muntu uria utiagirite nate mathuganio jawe; nacoke kiri Mwathani, nawe akamwigirirua kiao, acoke kiri Mu-

rungu wetu, nawe akamurekera buru. — Isaya 55:7

Atiri, ni ndungi mwarine nkiringaringaga, muntu kinya uriku akeeja kwigua kaju gakwa akarugura mwari, ngakuruka kiriwe, ndijanire nawe, nawe arijanire nani. — Kugwurirwa 3:20

Mathithio 5:31

We niwe Murungu aneneetie amwethia Munene na Mwonokia, nikenda atuma Aisiraeli bairira na barekerwa meeyia jao.

Mariko 2:5

Na Jesu oona witikio bwao areera kionje atiri, Mutana, meeyia jaku jakurekerwa.

Tito 2:11, 12

Ni untu utugi bwa Murungu buria buretithagiria antu bonthe kwonokua ibwonorete; nabu nibu butwonagiiria mantu, tumenye guciathura kiri mantu jaria mathuuku na kiri mairiiria jonthe ja nthiguru iji, na tutuurage turi na uume bwa ngoro, na twagirite, turumiirite Murungu igiitene riri turi nandi.

Aefeso 5:11

Ningi bugeetikireni kwiringanira na baria bathithagia mantu jau ja mugundu, jaria jatibui; indi nkuruki karageni bukijame-nagiiria.

Isaya 1:16

Ithambieni bwitherie; bwebie uthuuku bwa mathithio jenu butigakare mbere ya metho jakwa; tiganeni na kwiya.

1 Johana 2:15, 16

Bukeendeni nthiguru, kana into biria biri nthiguru. Kethira muntu nakwenda nthiguru, wendani bwa Baaba wetu buti ndene yawe. Nikwithirwa-ri, into bionthe biria biri nthiguru, tabio kwiririiria kwa mwiri, na kwiriiriiria kwa metho, na gwikaatha kwa mwoyo juju, mantu jau jatiumaga kiri Baaba wetu, indi jaumaga nthiguru.

Ezekieli 36:26

Nani nkabwa nkoro injeru, na mbikire mwoyo jumweru ndene yenu: nani nkarita nkoro ya iiga iria iri miirine yenu, ncoke mbwe nkoro ya nyama.

2 Akorintho 5:17

Tontu buu, muntu kinya uriku uria uri ndene ya Kristo, nagaruri aa kiumbe kingi gikieru; mantu jaria ja karaja ijathiri, na-ri, ni-jaete jangi jameru.

Nikwithirwa guciarwa kuu kwenu buciari kairi gutiumite kiri mbeu iria yoraga, indi kuumite kiri mbeu iria itioraga, ni untu bwa Murungu Uria utwire mwo-

yo, na nowe utuuraga magiita jonthe. — 1 Petero 1:23

Bukeethirwa ibwiji ati We naagirite, bumenye ati o muntu uria uthithagia jaria jaagirite, aciari aumite kiriwe. — 1 Johana 2:29

1 Johana 5:18

Nitwiji bwega mma ati we uria uciari ni Murungu atithithagia wiyia; We uria waciarirwe ni Murungu namukaragia, atikeeje kuringithua ni uria mui.

Jesu nawe aracokia aramwira, Ni mma ni mma, kangukwira atiri, Muntu akarega guciarwa kairi atiumba kwona unene bwa Murungu. — Johana 3:3

GUKUIRA MEEYIA — KURIUKA NDENE YA KRISTO

29

Aefeso 2:1 na 6

Na kinya bwi Murungu naatumire bugita mwoyo riria bwakuite ni untu bwa irema na meeyia jenu... na ningi naaturiukaniirie amwe nawe, aratukarithia Iguru turi nawe ndene ya Kristo Jesu.

1 Petero 2:24

Ningi niwe wairire meeyia jetu na mwiri jwawe wengwa ari mutine iguru, nikenda twi twathiria gukua kiri meeyia, twije tugatuure mwoyo turi wagirune; na nguma ciawe nicio ciatumire bworua.

Agalatia 5:24

Na-ri, antu baria bari ba Kristo Jesu niboorage miiri yao, na kumiamba mutine iguru amwe na mathuganio jaria mathuuku na maiririiria jayo.

Aroma 6:2 na 11

Ari, gukorokara uu! Anga twi baria twakuire turatigana na wiya, ni atia tucokekia gutuura twiagia? ... Uu no ta u, bwi nabwi itarageni ta bukuite bwatigana na meeyia, na nandi buri mwoyo ni untu bwa Murungu ndene ya Jesu Kristo.

Agalatia 6:8

Nikwithirwa muntu uria ukwanda mbeu cia mwiri jwawe wengwa-ri, muntu uu ni woru agaketha untune buu; indi muntu uria wandaga mantu ja Kirundu, uu agaketha mwoyo juria jutikothira mantune ja Kirundu.

Johana 3:14, 15

Na o ta uria Musa aarungikire njoka buurine, no u Mutana-wa-muntu abwirite kurungikwa; nikenda muntu kinya uriku uria ugeetikia akagita mwoyo jwa kenya na kenya ndene yawe.

Na mwoyo jwa kenya na kenya ni-ri, ni bamenye Gwe uri

Murungu wa mma, na bamenye uria watumire, nawe niwe Jesu Kristo. — Johana 17:3

Aroma 6:23

Ni untu mucara jwa wiyia ni gikuu, indi kiewa kiria Murungu aejanaga na magi ni mwoyo jwa kenya na kenya ndene ya Kristo Jesu Mwathani wetu.

Johana 5:24

Ni mma ni mma gankubwira atiri, Muntu uria wigagua nteto ciakwa na ageetikia uria wantumire, uu ari na mwoyo jwa kenya na kenya, na ti wa kugambithua; nathiritie kuuma gikuune aakuruka mwoyone.

Kiria gitumaga tumenya ati nitutuuraga ndene yawe, nawe agatuura ndene yetu-ri, ni untu bwa uria atunenkerete Kirundu wawe. — 1 Johana 4:13

Na nandi bwi, tontu buri atana ba Murungu, nikiyo giatumire Murungu atume Kirundu wa Mutanowe akuruke ndene ya nkoro cienu atumagiirie, akiugaga atiri: Abba, Baaba! — Agalatia 4:6

1 Johana 3:18, 19

Aana bakwa baaniini, tukeendani na rwaria kana na kanyua gonka; indi nitwendanage na mathithio na twendanage na mma. Na untu bwa rutoto ruu tu

kamenya ati tuumite kiri mma, na tumenye ati tuthiragia nkoro cietu nkanja mbere yawe.

Johana 14:21

Uria ukaraga na maathana jakwa na akajamenyagiira, uu niwe umpendaga; na uria umpendaga akeendwa ni Baaba, nani nka-mwenda, na ngacionania kiriwe.

Isaya 32:17

Nayo ngugi ya wagiru ikaa thiiri; na maciara ja wagiru jae ukiri na mma kenya na kenya.

Aroma 8:16

Kirundu wengwa niwe mukuuji amwe na nkoro cietu, wa gutumewithio ati turi gona ba Murungu.

32 KRISTO AKARA NDENE AEJANAGA KUGWIRUA

Johana 17:13

Na nandi mbijite kirigwe, nani ndauga nteto iji ndi nthiguru, nikenda kinya bo boojurwa ni kugwirua gwakwa ndene yao.

Aroma 14:17

Tontu unene bwa Murungu ti untu bwa kuria na kunyua, indi ni bwa wagiru na thiiri, na kugwirua ndene ya Kirundu Umutheru.

Na kinya ndeethirwa nindambanirue na Kristo mutine iguru, ndi o mwoyo; indi-ri, nandi ti ni ntuuraga mwoyo, indi ni Kristo utwire mwoyo ndene yakwa; ningi mwoyo juria ntwire

ju ni untu bwa gwitikia kuria mbitikitie Mutana wa Murungu uria wampendere, arairekeeria ni untu bwakwa. — Agalatia 2:20

Atiri, tontu buu bwi bugataaga ruuji buri na nkeru ithimene bia wonokanio. — Isaya 12:3

Ndabwira mantu jaja nikenda bukara na kugwirua kuria ndi naku, na kugwirua kwenu kuujurue. — Johana 15:11

Zaburi 16:11

Ukamenyithagia njira ya mwoyo; Aria Gwe uri, ari na nyiró ya kugwirua; Njara yaku ya urio iri na mantu ja kugwirania jaria

1 Samweli 12:15

Indi kethira butithikiira kaju ka Mwathani, butue kuregaga mawatho jawe, riu njara ya Mwathani ikarua nabwi, o ta uria yaruire na ba-abagu.

2 Athesalonike 1:7-9

Na gutuma bwi buthangikagua nikenda bukara na ukiri nkorone cienu amwe natwi, igiita riria Mwathani wetu Jesu akagwurwa, aumite Iguru amwe na araiika ba inya yawe, beejite na mwanki ju-ri na ndumuri; nawe agakaanu-kiya antu akibauraga baria batiiji Murungu, na baria batiitikagira

nkuma iji njega ya Mwathani Je-su; na ikaanukia riu ria antu bau nirio ikaanukia ria kuthirua gwa kenya na kenya, batikeeje guco-ka kwonana na Mwathani uthiu, kana bacoka kwona mwago jwa inya yawe.

Kuriikanithai Maathana**11:26-28a**

Atiri, ntuku iji ya narua ni ki-tharimo ona kirumi nkubwaniki-ra mbere yenu; kie kitharimo ke-thira bukaigagua maathana ja Mwathani Murungu wenu, o ja-ja nkubwatha narua iji, kana kie kirumi bwarega kwigua maathana ja Mwathani Murungu wenu...

Ningi o ruume ruumburage ati Jesu Kristo niwe Mwathani, nikenda Murungu Baaba wetu nawe akumagua. — Afilipi 2:11

Mathayo 10:32, 33

Niu o muntu uria ugampumbura mbere ya antu ati ni wakwa, uu niwe nani nkaumbura mbere ya Baaba uria uri Iguru ati ni wakwa. Indi-ri, o muntu uria uganakaana mbere ya antu, uu kinya ni nkamukaana mbere ya Baaba uria uri Iguru.

Tontu ukeeja kuumbura na kanyua gaku ati Jesu niwe Mwathani, na gwitikia ugeetikia na nkoro yaku, ati Murungu naamuriukiria aruama kiri akuu ukono-

kua; tontu nkoro niyo muntu eetikagia nayo nikenda aethua umwagiru; na kanyua niko muntu aumburaga nako nikenda aakonokua. — Aroma 10:9, 10

1 Johana 2:23

Muntu kinya uriku uria ukana Mutana, uu ati na Baaba wetu; na uria uumburaga Mutana ari na kinya Baaba wetu.

Nikwithirwa o muntu uria ukaigua nthao ni untu bwakwa, na ni untu bwa nteto ciakwa, muntu uu Mutana-wa-muntu akamwigiirua nthao kinya we, riria akeeja mwagone jwawe wengwa, na jwa Ithe, o na jwa araike baria etheru — Luka 9:26

NKOMA — MUNTHU WETU UU MUNENE 35

1 Petero 5:8

Karageni buciuki na butikwogita, ningi buti toro; tontu-ri, muntu wenu uria witagwa Nkoma, atarataraga ta ngatunyi ikugamba agicwaga muntu wa kuria.

Mathayo 4:1 na 10, 11

Igiita riu Jesu naikirue ni Kirundu buurine nikenda agerua ni nkoma . . . Riu Jesu aramiira atiri, Ita utigane nani Shaitani, tontu kwandikitwe, Thathayia Mwathani Murungu waku, na umwathikagire We Wenka. Riu nkoma iramutiga, na atiri, araika bareeja kiriwe kumutethia.

Na-ri, ni Shaitani itumaga mu-

nthi iji akigitaga antu baria beeta-ga na njira cia kuura mantu jawe ja inya yonthe, na biama, na mantu ja morongo jaria jagegagia antu. — 2 Athesalonike 2:9

Aefeso 6:11

Ikundikeni mathaga jonthe ja Murungu ja ndua, nikenda bukoomba gweteera wayia bwa Nkoma, riria bugatua kurua nayo.

Ukabamincuria metho nikenda beerekere weru baume mugundune, ningi beerekere Murungu batigane na inya ya Shaitani, kenda bakarekerwa meeyia jao, boone rugai rwao amwe na baria batheretue ni untu bwa kumbitika

Mathayo 26:10

2 Athesalonike 2:8

Indiu nirio muntu uu uregaga akagwurwa, nawe uu niwe Mwa-thani wetu Jesu akathiria na miruki ya kanyua kawe, amuthirie ni untu bwa kwoneka kwawe na kwija kwawe.

Tontu buu-ri, itikireni kwathwa ni Murungu na bukimwigagua; nkoma nayo miregageni kumiitikia, nayo ikabumatuka. Thengeereni Murungu, nawe akabuthe-ngeera . . . — Jakubu 4:7, 8a

Na tontu bwa uria aana bau bari na rugai ruu rwa nyama na tharike, nawe no u aajukirie rugai rwawe rwa into biu; nikenda na niira va sukua eevangia uria

wari na inya ya gikuu, nawe ni Nkoma. — Ahibirania 2:14

Aroma 8:35 na 37

Nimbi itwathuranikia na wendani bwa Kristo? ni kuthangikua, kana mokia, kana kugitwa bubui, kana mpara, kana kithunu, kana ugwati, kana ruciu? . . . Indi-ri mantune jau jonthe twi tuumbanite tugakurukithia, ndene ya uria watwendere.

1 Johana 3:8

Uria uthithagia wiyia aumite gwa nkoma; tontu nkoma niwe uthithagia meeyia kuuma o kiambiriiria. Nikio giatumire Mwanawa-Murungu agwurwa niken-da eevangia ngugi cia nkoma.

1 Johana 4:20

Kethira muntu akauga, Nimpendaga Murungu, indi akeethirwa nathwire mutanethe, muntu uu ni murongo; nikwithirwa uria uthuuraga mutanethe uria akwona na metho-ri, atiumba kwenda Murungu uria ationaga.

1 Akorintho 13:1

Kinya nkeethirwa mbaragia na migambo ya antu na ya araika, nani nti na wendani, nkari ta ki-beere kiria kiri muruumo, kana ntuara ya kuringanua.

Agalatia 5:22, 23a

Indi-ri, ruciara rwa Kirundu niri ruru: ni kwendana. na ku-

gwirua, na ukiri, na kuumiiria, gutugana, kuthithaniria bwega, na gwitikania, na kwinyiyia, na ningi muntu amenyagiire mwiri jwawe bwega . . .

Johana 21:16

Aramuuria kairi uria jairi, Simon wa Jona, numpendete? Aramwira, Ii Mwathani, gwe nwiji ninkwendete. Nawe aramwira atiri, Riithagia ng'ondu ciakwa.

1 Johana 3:14

Twini nitukumenya ati nituthiritie kuuma gikuune na twakuruka mwoyone, tontu nitwendete aana-ba-Baaba. Uria utiendana-ga aturaga gikumne.

Mariko 16:9

Na-ri, aathiria kuriuka ruukiiri kaina, ntuku ya mbere ya kiumia, aambire gucionania kiri Mariamu Mumagidali, uria aaritite nkoma mugwanja.

Mathithio 10:39-41

Natwi turi akuuji ba mantu jau jonthe jaria aathithagia nthiguru ya Ayahudi o na Jerusalemu. Nawe niwe woragirwe ni antu baramucuuria mutine iguru. Indi-ri, Murungu naamurikirie muthenya jwa ithatu, aratuma acoke kwonwa, indi ti antu bonthe, nonga kwonwa ni akuuji baria baathuurirwe o mbere ni

twarijaga na twanyunyaga amwe nawe, aathiria kuriuka kuuma kiri akuu.

Johana 20:26-28

Ningi ntuku inyanya ciathira, aritwa bawe nibaari nyomba kairi bari na Toma. Jesu nawe areeja miari iingi, ararungama gati-gati arauga, Ukiri burokaraga nabwi. Aracoka areera Toma atiri, Rete kiara giaku aja wone njara ciakwa; na urete njara yaku uringithie rwaru rwakwa; utige kurega gwitikia, ukare uri na witikio. Toma aracokia aramwira atiri, Uri Mwathani wakwa,

KURIUKA, KIRIGIRO GIETU GIA UKUMIO 39

2 Akorintho 4:14

Tukimenyaga ati o we Uria wariukirie Mwathani wetu Jesu, kinya twi agaturiukia amwe na Jesu, atume turungikwa mbere yawe amwe nabwi.

Ni mma ni mma gankubwira atiri, Igiita iriijite, na nandi riri o, riria akuu bakaigua kaju ka Mutana wa Murungu, na baria bakaigua bakagita mwoyo . . . Menyeni burigara ni untu buu; tontu igiita rikeeja riria antu bonthe baria bari mbirirene bakai-gua kaju kawe na baumagare. Baria bathithitie bwega baume bakinye kuriukene kwa mwoyo; na baria bathithagia bubui baumire

bakinye kuriukene gwa kugambi-thua. — Johana 5:25 na 28, 29

Aroma 6:3-5

Kabutiiji ati twi twinthe baria tubatithitue ndene ya Kristo Jesu, tubatithitue untune buu bwa gikuu kiawe? Ni untu buu nituthikaniritue nawe, untune buu bwa gukujania nawe na untu buu bwakubatithua, nikenda o ta uria Kristo aariukirue ndene ya mwa-go jwa Baaba wetu, kinya twi tuumbage gwitaga na miitire imieru. Ni untu-ri, kethira ituthi-iritie kugwatithanua nawe untune buu bwa gukujania nawe, uu no ta u tukagwatithanua nawe ni untu bwa kuriuka kwawe.

40 KUTHERUA NDENE YA MWATHANI

Luka 1:74, 75

Ati twathiria gutunyukua kuumajarene cia anthu betu, Tukamwathikagira tutina uguaa, Mantune ja utheru na wagiru, ntukune cietu cionthe.

2 Akorintho 7:1

Atiri, bwi baria mpendete, tontu bwa uria turi na mawirane jau, twitheragiени tutiganage na untu kinya buriku buria buthukagia miiri ya antu o na nkoro ciao, na tuujuragie untu buu bwetu bwa kwaa baatheru.

Na tontu buu, muntu akeethirwa aathukanaga na mantu jau, akaa gintu kiria kiri igweta, ningi

gikitheru, na ningi kiria kiagirite mwene nyomba aritage ngugi nakio. — 2 Timotheo 2:21

1 Petero 1:2

Bwi antu baria bataari ni untu bwa uria Murungu Baaba aiji ombere, na untu bwa uria butheretue ni Kirundu Umutheru nikenda bukaathikira Mwathani Jesu Kristo na buminyaminirue tharike yawe, bwi baria buri mpinga ni untu bwa uria bwanaganirue, baria buri Ponto, na Galatia, na Kapadokia, na Asia, na Bithinia: Utugi bwa Murungu burokaraga nabwi, na ukiri nabu burobwingiagira.

KUTHERUA NDENE YA MWATHANI

41

Efeso 1:4

Tontu mbere nthi itiroombwa natutaarire twee bawe ni untu bwa uria atwendete, ningi twee baatheru methone jawe twage antu aathuuku wendanine bwawe.

Isaya 35:8

Na ningi, antu au akagita njira ya itomoi na mwirigo, nayo igeetagwa Njira ya Utheru; na antu baria bati baatheru batikokurukiira yo, na biala bitikoroangatarania ku kairi.

Ahibirania 13:12

Uu no u Jesu aanyamaariirue ome ya mpingiro kenda akatheria antu na tharike yawe wengwa.

meeyia jetu, We ni mwitikua, na kairi naagirite, nawe agaturekera meeyia jetu, na atuthambie uthuuku bunthe. — 1 Johana 1:9

Mathayo 3:11

Ni mbubatithagia na ruuji ni untu bwa kwirira; indi ri, uria ukeeja nyuma yakwa ari na inya nkuruki yakwa, nani nting'ani wa gukamata iratu biawe: Uu ri, akabubatithia na Kirundu Umutheru o na mwanki.

2 Petero 3:11

Na tontu bwa uria gutirio into biu bitiinyanguari, nandi bwi bwagiri kwaa antu ba muthemba juriku mituurirene yenu ya mantu

Luka 11:13

No u, kethira bwi baria buri baathuuku nibwiji kwa aana benu biewa bibiega, ka Abagu wenu uria uri Iguru atimenya kweejanaga Kirundu Umutheru kiri baria bamurombaga nkuruki ya uu?

Mathithio 1:8a

Indi bwi bukaewa inya, Kirundu Umutheru aathiria kwija iguru rienu . . .

Ezekieli 36:27

Ngeekira mwoyo jwakwa ndene yenu, na ntume bwitagira mawathani jakwa, nabwi bukamenyagiira matwiro jakwa ja iga-

Indi bwi butithingataga mantu ja mwiri, nonga ja Kirundu, kethira Kirundu wa Murungu natuuraga ndene yenu. Indi-ri, muntu kinya uriku ureethirwa ati na Kirundu wa Kristo, uu ti wawe buru. — Aroma 8:9

Mathithio 13:52

Na atumwa ba kuu baragwirua mono mono na baroojurwa ni Kirundu Umutheru.

Mathithio 4:31

Na riria baathiria kuromba, antu aria baari arainainua, na bonthe baroojurwa ni Kirundu Umutheru, baraaria ruteto rwa

Zaburi 34:18

Mwathani ari akui na baria bari nkoro imbuniku, Na baria bari mioyo imioro nibo oonokagia.

Untu into bibi bionthe ni njara yakwa yaabiumbire, na tontu buu into bibi bionthe ni biakwa, niu Mwathani augite. Indi nkarai-thiiria muntu uju, uria uri mwi-nyiyia na wiririte nkorone, uria utetemaga ni untu bwa ruteto rwakwa. — Isaya 66:2

Kugwurirwa 21:4

Nawe akaangura methori jonthe jaume methone jao; na gikuu gutirio gigacoka gukara o kairi; na gutirio gugacoka kugita

kieba kana kiriro, kana kinya murimo; tontu mantu jaria makuru jonthe nijathiritie gukuruka buru.

Itikagira Mwathani, na uthithagie wega; Utuurage nthiguru, ure-ragwe na witikiri. — Zaburi 37:3

Bwi baria mpendete mono, bukarigarueni ni mantu jaria jakari ta ja kwiithia muntu, jaria jakabwijagiira ja kubugeria, jakari ta mantu jamageni; indi nkurukiri, gwiragueni bwona ati ka buri ngwataniro na Kristo mithangikone yawe, nikenda indiiria mwago jwawe jukagwurwa, bwi-ja kugwirua na kugwirua gukunene. — 1 Petero 4:12, 13

Ahibirania 2:18

Na-ri, tontu bwa uria We wengwa oonere mathiina ja kugerua, noombaga gutethia antu baria bageragua.

Aroma 16:20

Murungu wa ukiri nawe ageekira Shaitani rworo o au makiyene jenu ntuti. Utugi bwa Mwathani wetu Jesu Kristo burokaraga nabwi.

Isaya 43:2

Indiiria ugeetirira nduujine iria nyingi, ni ngakara amwe nagwe; na weetirira nduujine cia miuro, itikagukondorie; kinya ugeetirira mwankine, utiya, rumuri rwa mwanki rukagucuna.

Aroma 8:28

Natwi nitwiji ati mantu jonthe jeetanagia o amwe jakaretagge itharimo bia Murungu kiri antu baria bamwendete, baria beetagwa o ta uria eethagirwa akiendaga kugitwa.

1 Akorintho 10:13

Butiragerua na magerio jaria butiumba gweteera, indi Murungu ni wa gwitikirwa, tontu We atiumba gwitikira bugerua na magerio jaria butiumba kuumiiria, indi-ri, igita riria bukagerua agatua kubwonagiiria njira ya kwonoka nayo, nikenda buumba kuumiiria magerio jaria bukugerua najo.

Kugwurirwa 3:12

We uria ukoombana-ri, nkamwethia gitugi kiurune kia Murungu wakwa, na gutirio akorocoka kuumagara ku kairi; na mwirine jwawe nkamwandika rii-twa ria Murungu wakwa, o na rii-twa ria mucii jwa Murungu wakwa, naju ni Jerusalemu iria njeru, iria ikauma Iguru kwa Murungu wakwa, na ningi nkamwandika rii-twa riakwa riongwa ririeru.

Kugwurirwa 3:5

Uria ukoombana niwe ugeekirwa nguu injeru; na gutirio nkorwangura rii-twa riawe riuma iu-

kune ria mwoyo, na ningi nkau-mbura rii-twa riawe mbere ya Baaba na mbere ya araika bawe.

Kugwurirwa 3:21

We uria ukoombana-ri, nkamwitikiiria atuguane amwe nani rurigene rwakwa rwa unene, o ta uria ni ndoombanire, na nandi ntuguni amwe na Baaba rurigene rwawe rwa unene.

Kugwurirwa 2:7

Uria uri na gutu nathikiire uria Kirundu akwira makanisa. Atiri, uria ukoombana nkamwitikiiria arijage ruciara rwa muti jwa mwoyo juria juri muundene jwa Paradisi.

46 MURUNGU NARAGIA NA TWI UNTUNE BWA KUTHARIA MURANU

1 Akorintho 7:10, 11

Indi baria bajukanitie ndibaa-
tha atiri, na ti ni nkubaatha ni
Mwathani ukubaatha, ati muka
akorotigana na murumewe, (indi
kethira agatigana nawe ni bwega
akare atijukitue, kana acoke aiga-
nue na murumewe). Na ningi
ndiathana atiri, muntu murume
akoroathukana na mukowe.

Aroma 7:2, 3

Tontu muka uria uri na mu-
rumewe nakaraga atheeki kiri
murume ni watho igiita rionthe
riria murumewe ari mwoyo; indi
murumewe akeethirwa akuite,

muka uu nathauragwa kiri wa-
tho buu bwa murumewe. Niu
indi aringi kwithirwa naari na
murume ungi, riria murumewe
aari mwoyo, muka uu aethua mu-
thithia wa mantu ja uthungiiri,
indi murumewe akeethirwa akui-
te, riu agakaraga athauri mantu-
ne ja watho . . .

Mathayo 5:32

Indi ni gankubwira atiri, o mu-
ntu uria ukeenga mukowe, tige
ari na untu bwa uthungiiri, na-
mwethetie muthungiiri; na uria
ukamujukia eengi o uu, nathu-
ngagiira nawe.

Jakubu 5:8

Nabwi no uu, umagiirieni na buumagiirie nkoro cienu; tontu Mwathani eengeerie kwija.

Nani ndeeta kubuthuraniira gikaro, ngacoka na nkabujukia buare aria ndi; nikenda aria ndi, kinya bwi bukare o. — Johana 14:3

Kugwurirwa 3:11

Atiri, nimbijite ntuti: na tontu buu-ri, untu buria uri nabu, karaga ubugwete warikia, nikennda muntu kinya uriku atikeeje gugutunya thiru yaku.

Mariko 8:38

Nikwithirwa uria ukaigua nthao ni untu bwakwa kana untu

bwa nteto ciakwa, ruciarene ruru rwa uthungiiri na meeyia, Mutana - wa - muntu akamwigiirua nthoni riria akeeja na mwago jwa Ithe amwe na araika baria atheru.

Mathayo 24:30

Na igiita riu kimenyithia kia Mutana-wa-muntu gikoonwa matune; na riu migongo ya nthiguru igakaya; nayo ikoona Mutana-wa-muntu eejite na matu ja iguru, o na inya na mwago jumwingi.

Mathayo 24:27

Nikwithirwa o ta uria rweni rwenagiria o gaiti, na rukoonwa mwanka ruguru; nou kwija kwa Mutana-wa-muntu gugakara.

1 Johana 3:2

Eendwa bakwa, nandi turi aana-ba-Muruṅgu, na uria tugakara butiragwurwa; indi nitukumenya ati akigwurwa tukang'uanana nawe; nikwithirwa tukamwona uria akari.

Kugwurirwa 16:15

(Atiri, nimbijite ta mwamba, Kitharimo-ri, ni kiri muntu uria utwire aigwatirite, ningi amenyere-rete nguu ciawe, atikeeje gwita kithunu, eeja gucokerwa ni nthao).

Luka 12:40

Nabwi karageni bwithuranirite; nikwithirwa Mutana-wa-muntu akeeja igiita riria butiiji.

Mathithio 1:11

Nabo barauga atiri, Ibwi antu ba Galili, nimbi itumite burungama butege-te iguru? Jesu o uria aitithua iguru auma kiribwi, agacoka kairi o uu, o ja uria bwo-na agiitia iguru.

Mathayo 16:27

Tontu Mutana-wa-muntu akeeja na mwago jwa Ithe amwe na araike bawe; na igiita riu akarea o muntu uria ngugi ciawe ikari.

Luka 21:27

Na igiita riu bukoona Mutana-wa-muntu eejite na itu, ari na inya na mwago jumwingi.

RUTETO RWA MURUNGU

Mathayo 22:29

Indi Jesu aracokia arabeera, Bukuthuukia uria butiiji jaria jaandiki, kana inya ya Murungu.

2 Petero 1:21

Ni untu-ri, guti ruteto kinya rumwe rwithirikua rureeja ni untu bwa kwenda kwa muntu; nonga-ri, ni Murungu utumaga antu baarie, uria boojuritwe ni Kirundu Umutheru.

2 Timotheo 3:16

O ruteto runthe ruria ruri Maa-ndikone, ruria rwekirwe ni Murungu nkorone ya muntu uria warwandikire, niru kiguni gia

kuritana antu nakio, na gia ku-
menyithagia antu wiyia bwao, na
gia kubakaanagia, o na gia ku-
boonagiiria beetage na miitire
iria yagirite ya wagiru.

Luka 21:33

Iguru na nthi bikathira, indi nteto cia kanyua gakwa itikoro-
thira.

Zaburi 119:11

Ruteto rwaku ndwithite o nko-
rone yakwa ndene, Ntikeeje ku-
thuukia kirigwe.

Zaburi 119:105

Ruteto rwaku ni tawa ya ma-
guru jakwa, Na ni weru bwa
njira yakwa.

**Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:**

**World Missionary Press, Inc.
Box 120
New Paris, Indiana 46553 U.S.A.**

Kenya

✓ Text from Kimeru Bible, copyright United Bible
Societies, Africa Regional Centre, Nairobi, Kenya.
Used by permission.

149 Kimeru